



Broj: 16-12-16-5620/18⁻⁹
I. Sarajevo, 04.10 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2018. godini, broj 16-12-16-5620/18 od 01.10.2018. godine, u postupku javne nabavke usluga održavanja softvera Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku usluga održavanja softvera Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2018. godini broj 16-12-16-5620/18 od 01.10.2018. godine i okvirni sporazum u postupku javne nabavke usluga održavanja softvera Državne agencije za istrage i zaštitu dodjeljuje se i to za:

a) LOT 1 - održavanje OWIS dokument menadžment sistema, ponuđaču „ORKA“ d.o.o. Sarajevo, ponuda broj 16-12-16-5620-7/18 od 04.09.2018. godine, za ponuđenu cijenu 17.100,00 KM bez PDV-a;

b) LOT 2 - održavanje i podrška „Anti money laundering sistem“ (AMLS sistem), ponuđaču „PING“ d.o.o. Sarajevo, ponuda broj 16-12-16-5620-6/18 od 03.09.2018. godine, za ponuđenu cijenu 8.640,00 KM bez PDV-a.

Član 2.

Ponuđač „PING“ d.o.o. Sarajevo obavezan je ugovornom organu, u roku od pet dana od dana prijema ove odluke, dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva (original ili ovjerena kopija).

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-5620-1/18 od 14.08.2018. godine, pokrenut je postupak javne nabavke usluga održavanja softvera za potrebe Agencije, putem Konkurentskog zahtjeva, za koji je obavještenje o javnoj nabavci broj 1161-7-2-366-3-58/18 objavljeno 22.08.2018. godine na Portalu Agencije za javne nabavke. Procijenjena vrijednost javne nabavke je 25.750,00 KM bez PDV-a, a za što su novčana sredstva obezbjeđena u okviru budžetskih sredstava za 2018. godinu.

Predmet javne nabavke podjeljen je na LOT-ove:

- LOT 1 - održavanje OWIS dokument menadžment sistema, procijenjene vrijednosti 17.100,00 KM bez PDV-a;
- LOT 2 - održavanje i podrška „Anti money laundering sistem“ (AMLS), procijenjene vrijednosti 8.650,00 KM bez PDV-a.

Za navedeni postupak javne nabavke Konkurentskim zahtjevom bilo je predviđeno provođenje e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija I za nabavke za potrebe Agencije u 2018. godini (u daljem tekstu: Komisija) dostavila je Izvještaj o radu broj 16-12-16-5620/18 od 01.10.2018. godine sa preporukom o izboru najpovoljnijeg ponuđača u postupku javne nabavke usluga održavanja softvera Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 04.09.2018. godine do 13,00 sati, te da se ponude dostavljaju u zatvorenoj koverti, Komisija je dana 04.09.2018. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno dvije ponude i to:

Redni broj	Naziv ponuđača	LOT	Vrijednost ponude (bez PDV-a)
1.	„PING“ d.o.o. Sarajevo	LOT 2	8.640,00 KM
2.	„ORKA“ d.o.o. Sarajevo	LOT 1	17.100,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja prihvatljivosti dostavljenih ponuda u smislu Pravilnika, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „ORKA“ d.o.o. Sarajevo i „PING“ d.o.o. Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove predviđene Konkurentskim zahtjevom, te da podliježu primjeni preferencijalnog tretmana domaćeg. Također Komisija je utvrdila da ponuđač „ORKA“ d.o.o. Sarajevo ispunjava kvalifikacione uslove koji su traženi za LOT 1 u pogledu tehničke i profesionalne sposobnosti.

Konkurentskim zahtjevom je bilo predviđeno da se za navedeni postupak javne nabavke usluga održavanja softvera Agencije provodi e-aukcija. Odredbom člana 3. stav (3) Pravilnika, propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa odredbom člana 69. Zakona. Obzirom da je za LOT 1 i LOT 2 primljena po jedna prihvatljiva ponuda, to u smislu Pravilnika e-aukcija nije zakazana, nego je postupak okončan u skladu sa članom 69. Zakona.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene iz tačke 9. Konkurentskog zahtjeva, te je sačinila rang listu, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	„ORKA“ d.o.o. Sarajevo	LOT 1	17.100,00 KM
2.	„PING“ d.o.o. Sarajevo	LOT 2	8.640,00 KM

Nakon provedenog postupka ocjenjivanja dostavljenih ponuda, Komisija je utvrdila da je za LOT 1 ocijenjena kao najpovoljnija ponuda ponuđača „ORKA“ d.o.o. Sarajevo i da je za LOT 2 ocijenjena kao najpovoljnija ponuda ponuđača „PING“ d.o.o. Sarajevo, te da iste ne premašuju procijenjenu vrijednost javne nabavke.

Shodno navedenom, prihvaćen je prijedlog Komisije i odlučeno da se okvirni sporazum u postupku javne nabavke održavanja softvera za potrebe Agencije dodijeli za LOT 1 ponuđaču „ORKA“ d.o.o. Sarajevo, te da se za LOT 2 okvirni sporazum dodijeli ponuđaču „PING“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE
Perica Stanić

